

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei Cawjbanh: Gvangjsih Minzcuz Bause Geiz neix 8 banj
广西民族报 Aenhauhokbanj: CN45-0036 B.2022 Nd.8 Ng.31 Liggaueq nvaemzvinz nienz ndwenbet co'ngux Geizsoq: Gungh daih 3539 geiz

Liuz Ningz Fak Saenq Cukhoh Swcigih Fulenz Laebbaenz 70 Hopbi 刘宁向广西壮族自治区妇联成立 70 周年致贺信

8 nyied 25 hauh, youq mwh Swcigih Fulenz laebbaenz 70 hopbi, Swcigih Dangvejij suhgi, Swcigih Yinza Cangvejijvei cujyin Liuz Ningz, Daengx Guek Fulenz faenbied fak saenq daeuj cukhoh, caensim camndei gyoengq mehmbwk daengx gih.

Liuz Ningz naeuz, 70 bi dox-daeuj, Swcigih Fulenz itloh dingj-maenh “Dangj baez iuheuh, fulenz doq hengzdoengh”, cungfaen fatok gij ciznwngz daiqlingx fugsah lienzhaeh, hopheux daihbuenz caenh rengz guh-hong, hwnqguh sevei cujyi caeuj gajgwz hwnghat miz cozyung youq-gaenj “byonghmbienjg mbwn”. Daeg-bied dwg Cibbet Daih Dangj doxdaeuj, Swcigih Fulenz dingjmaenh aeu gij swhsiengj sevei cujyi miz daegsaek Cungguek seizdaih moq Siz Ginbingz guh vixyinx, dazyinx gyoengq mehmbwk daengx gih geiqmaenh vah-

daengq Siz Ginbingz cungjsuhgi, giengiet gvancez gij anbaiz baijbouh Swcigih Dangvejij, Cwngfuj, vih gak hangh saehnieb hawj bouxminz baenzmiz Gvangjsih hoengghwd ok rengz ok dungxcaiz. Seizneix, gih raeuz gaenq hainduj roen moq Gvangjsih cienzmienh hwnqguh sevei cujyi yendaiva. Maqmuengh daengx gih gak gaep fulenz cujiz haeujlaeg roxyiuj gij yihi gietdingh “song aen dinghlaeb”, guh daengz “song aen henhoh”, haeujlaeg gvancez doeksaed gij lwnhgangj youqgaenj gvendaengz mehmbwk caeuj hong mehmbwk Siz Ginbingz cungjsuhgi, mboujduenh doinyoengx fulenz gajgwz coh laeg coh ndaw, gvangqlangh yinx gyoengq mehmbwk gvaqdaej, comzgyonj hwnjdaej. Yung hende aen hozdung baenzroix “sim mehmbwk coh Dangj angqcoux Ngeihcib Daih”, doxgiat daiqlingx gyoengq mehmbwk daengx gih gaenndaet bouxlingxdaeuz fuk-hwng hungmbwk haenqrengz gaenx-guh, hawj lai raen miz lizsij cwzyin caeuj cingsaenz boux danggya, gaenj-ndaet hopheux aen dihi moegbiu yinvu “1+1+4+3+N” hwnqguh aen Gvangjsih gyaunde, gaenxmaenx ok rengz hwnqguh ginghci, haicuengq yinxlingx, cauhmoq cauhnieb, saenq-hwng lajmbanj, gajgwz hwnghat onjdingh daengj gak hangh saehnieb, vih comz rengz caezhoz hwnqguh aen Gvangjsih gyaunde sevei cujyi miz daegsaek Cungguek seizdaih moq ok rengz mehmbwk, ciep raiz gij yungz-daeuz moq, yung hengzdoengh saed-saeh ciepcoux Ngeihcib Daih Dangj hai ndaej baenz.

Daengx Guek Fulenz youq ndaw saenq haengjdingh Swcigih Dangvejij caeuj Cwngfuj liglaiz yawjnaek gij saehnieb mehmbwk lwgnyez, nyinh-caen gvancez doeksaed sai mbwk doxlumj aen gozcwz gihbwnj, mbouj-duenh gyalai rengz haeujcoengh hong fulenz caeuj fulenz gajgwz, haenh mehmbwk Gvangjsih dwg gij rengz youqgaenj doinyoengx dieg minzcuz bien'gyaiq ginghci sevei hwnghat youh ndei youh vaiq, Gvangjsih gak gaep fulenz cujiz dwg aengiuz caeuj diuzsai Dangj lienzhaeh gyoengq mehmbwk, maqmuengh Gvangjsih gak gaep fulenz cujiz dingjmaenh aeu gij swhsiengj sevei cujyi miz daegsaek Cungguek seizdaih moq Siz Ginbingz guh vixyinx, gyagiengz yinxlingx fugsah lienzhaeh, doxgiat dungyenz gyoengq mehmbwk gaenxguh baenaj, doxgiat buekguh, vih haenqrengz raiz biencieng moq guekgya cienzmienh hwnqguh sevei cujyi yendaiva, saed-yienh aen loqsiengj Cungguek Cungh-vaz Minzcuz fukhwng hungmbwk ok rengz engq lai.

(Liuz Li)



Sanhgyangh:
Hag Feihyiz Mbouj Aeu Cienz Angqyangz Gvaq Ngoenzcuengqgyaj
三江: 免费学非遗 快乐度假期

Mboengqneix, Sanhgyangh Duncuz Swciyen Duzdung Cin Dangzcauz Cunh Aen Doih Heiq “Yaem Dung Dangzcauz” guh aen ban sonlien golaux, bizbaz Duncuz, 60 lai boux yozyenz camgya sonlien, comz hag golaux, bizbaz Duncuz daengj dinfwngz feihyiz, hawj ndwenngoenz ngoenzcuengqgyaj lwghag Mbanjdung lai mizyinx.

(Liengz Siumingz ingi)

Heiqcaijdiu 《Liuz Sanhcej Moq》 Youq Ciet Yisuz Cungguek Gaiq Daihcibsam Oknaj 彩调剧《新刘三姐》亮相第十三届中国艺术节

Mboengqneix, heiqcaijdiu 《Liuz Sanhcej Moq》 youq Ciet Yisuz Cungguek Gaiq Daihcibsam oknaj caemh-caiq camgya bingz Ciengjvwnzva Gaiq Daihcibcaet, neix hix dwg bouh cozbij Gvangjsih dandog ndaej senj-haeuj gaiq ciengjvwnzva neix. Bouh cozbij neix dwg Gvangjsih Bouxcuengh Swcigih Senhconzbu, Gvangjsih Bouxcuengh Swcigih Vwnzva Caeuj Lijyouz Dingh ok, Gvangjsih Higiyen cauhguh baizlien.

Heiqcaijdiu 《Liuz Sanhcej Moq》 swnjcienz hwnghat gij gieq Gvangjsih Liuz Sanhcej vwnzva, yung hende aen cawj-daez moq, vah moq, vwnz moq, yienj moq, daizheiq moq, naeuz gij ndwenngoenz hoengghwd Gvangjsih saenq-hwng lajmbanj, dwg bouh cozbij neiyungz daihneix lwnhgangj lwg Mbanjcuengh daj vutgunz gunggeng daengz saenqhwng lajmbanj, doek-laeng byaij coh ndwenngoenz vuen-yungz gyaunde bouxminz siengjmuengh de. Daj bi 2019 yienj baez nduj doxdaeuj, ginggvaq coihgaij hung 4 baez caeuj daezswng 30 lai baez, gungh yienj 81 ciengzbaez, camgya lai aen hozdung yienj heiq hungnaek guekgya gvaq.

Boux bingzlnh okmingz Mauz Sizan haenh naeuz: “Heiqcaijdiu 《Liuz Sanhcej Moq》 hawj gij vwnzva cienzdoengj gaeuqgeq ginggvaq daihneix yienj le dauqungz ndaej sengmingh. Doengzeiz hix hawj bouxyawj yawjraen lajmbanj Cungguek, daeg-bied dwg gij yiengh lajmbanj Gvangjsih ginggvaq vutgunz gunggeng le hwnghatfoedfoed. De cauh le gij yiengh gyoengq bouxcoz miz heiq seizdaih, cingsaenz gvaekgvaek, vih hwnqguh lajmbanj moq sevei cujyi miz daegsaek Cungguek okrengz.”

Boux daujyenj Gungh Yaujdungh naeuz, cauhguh heiqcaijdiu 《Liuz Sanhcej Moq》 dangguh daiz heiq daih'it ciet yisuz Cungguek youq Denhginh yienj, hawj siminz Denhginh haeujgyawj roxyiuj caeuj roxyinh aen minzcuz youq ndaw fwen gvaq ndwenngoenz, hawj gij sing fwen baihnanz youq gwnzmbwn dah haij rwnzhap.

(Ciengj Linz)